



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 17. Professio fidei Latinorum de Processione Spiritus Sancti.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

penitus expungendam enuntiavit. Alii ^{Sæcul. XV.}
 veluti normam præscribendam censue- ^{A. C. 1439.}
 runt professionem fidei a Patriarcha Ta-
 rasio editam, in qua Spiritum Sanctum
 a Patre per Filium procedere dicitur.
 Tandem in quinque conventibus hac su-
 per re habitis diversa proponebantur me-
 dia: nullum tamen utrique dissidentium
 parti probatum fuit.

§. XVII.

*Professio fidei Latinorum de Proce-
sione Spiritus Sancti.*

Postmodum Latini condiderunt profes-
 sionem fidei, in qua anathema dixe-
 runt adstruentibus duo principia, vel duas
 causas in sancta Trinitate, *Nos autem*
inquiunt illi; fatemur unum principium,
Patris & Filii actionem, & productivam
potentiam, & non dicimus, Spiritum San-
ctum procedere etiam ex Filio, ut ex alto
principio & causa, sive quia Filius Spi-
ritum Sanctum primordialiter producat: u-
nam quippe novimus causam, & radicem &
fontem Deitatis, Patrem. Neque vero u-
nam dicimus personam Patris & Filii, quia
unicam asserimus actionem, hoc enim absur-
dum est, sed duas Hypostases dicimus, & u-
nam actionem, & unam virtutem producti-
vam, & unum quod producitur ex substan-
tia & hypostasi Patris & Filii. Idcirco
 E e 5 *etiam*

Sæcul. XV.
A.C. 1439.

etiam in sacro Symbolo explicatum est, paulatim ii, qui affirmant Filium non causam Spiritus, laberentur in dogma, tempus constituentes inter Patrem & Filium. Etenim qui negant, Spiritum Sanctum etiam ex Filio procedere, profecto manifeste declarant, quod ex solo Patre: si vero ex solo Patre, fuit ergo, quando non erat Filius: si vero dicant, quod ex sola paterna hypostasi, separant reipsa substantiam ab hypostasi, atque ita per ipsos substantia in partem secabitur, quod absurdum est. Hanc fidei Professionem die vigesimo nono Mensis Aprilis Latini ad Græcos miserunt; cum vero hi sibi necdum plane satisfactum esse censerent, eis aliam porrigere oportuit.

§. XVIII.

Altera Latinorum fidei professio.

In hac secunda fidei formula Latini explicabant processionem Spiritus Sancti a Patre & Filio, ita tamen, ut unam Filii & Spiritus Sancti causam, nempe Patrem profiterentur. Post & Græcorum suam fidei professionem Latinis transmittentibus, in qua declarabant, se quoque profiteri, fontem & radicem Filii ac Spiritus Sancti esse Patrem, ac Filium emittere, & ex se scaturientem effundere Spiritum, atque a Filio emanare, profluere, & effundi Spiritum Sanctum. Cum vero Latini a Græcis